

*peche* incolis vocatur. Est & Mons in regione *Guaſſecan* in quo *ii* reperiuntur Fontes, alter ſcilicet *Picis nigrae*, alter vero *Picis rubrae* ferventis. Est præterea hæc Provincia *Silvis* Nemoribusque plena: ac univerſa *Ara*bores magna copia profert, maxime è quibus lintres unico ex trunco excavant & formant. Habet & Cedros tantæ magnitudinis & craſſitudinis, ut ex ijs trabes quadrangulæ centum & viginti pedes longæ, *xii* vero latæ conficiantur, tanta quidem copia, ut Montes Cedris, ut apud nos *Quercubus* aut *Pinis* conſitos dicas. Opera publica me vocant. Fuerunt in hiſce Indiæ partibus plurima & quidem iuperba & magnifica Tempia idolis conſecrata, ac Diaboli cultui deſtinata, quæ *Hiſpani* olim voce *Cu* appellarunt. Imprimis fuit in Vrbe Mexico celeberrimum Templum *Virgilipuztli*, ambitum ampliffimum habens, atque aream intus pulcherriſſimam. Imprimis vero res admiratione digna cura, quam *Mexicani* gerebant in educandis liberis, certo ſcientes nihil eſſe in tota rerum univerſitate, quod plus adjuventi ad rectam rerum tum privatarum tum publicarum conſtitutionem adfert, quam pueritiæ diſciplina. Sunt *Jndi* rerum Mechanicarum egregij artiſtices, præſertim in contexendis varijs Avium plumis & Ferarum pellibus admiranda varietate: qui & laborum tam ſunt patientes, ut ſepiſſime integro die cibum non ſumant, quo ſpecioſius concinnent & aptent, vel unicam plumã, eandem omni ex parte contemplant, tum ad Solem, tum in umbra, ut percipiant magiſne recta an inverſa conveniat, erectis an deſlexis crinibus. Itaque ex plumis Animal quodeunque, aut Florem aut Herbam tanta dexteritate mentiuntur, ut videantur ad vivum expreſſiſſe. Aurifabrorum prima & præcipua eſt conditio, & præ cæteris artiſticioſa: adeo quidem ut res quaſvis ad vivum exprimant: valentque plurimum fuſionis Artiſticio, adeo ut vel Herbas quaſvis, tum res munitiffimas fuſione ſingant, tam exquisitè, ut a naturalibus diſſerre non dicas. Sola Mexicana Civitas, omnem politiã & vivendi rationem totius Novæ Hiſpaniæ patefacit. Quæ cum eſſet totius Imperij Metropolis, diverſæ eo confluebant ejuſdem regionis gentes, negotiandi gratia. Itaque ſingulæ Nationes ſua loca probe ordinata obtinebant ac ſervabant, in quibus ſingulis diebus quinis ſora obſervarent, omnibus rebus venalibus optime inſtructa. Itaque ſingula opificij, & mercaturæ genera, deſinitum ſibi locum, ac ſtationem certam habebant, quem nec ulli præoccupare licebat, quæ certe non exigua eſt politiæ ſpecies. Neque commodius aut Vrbs, aut Domus quæpiam poteſt gubernari, teſte *Xenophonte* in *Oeconomicis*, quam rebus ſingulis præſinita certa que loca ſtatuendo, quod ab *Indis* obſervabatur.

Opera publica.

Opificia.

Mercimonia.